



Daifim


An Official Organ of YMA, Khuangpuilam Branch.

YMA MOTTO



Hunawl hman that
Zofate hmasawna ngaihtuah
Kristian nundan tha ngaihsan

Khawchin : Source - Accuweather.com



Khua a that rin a ni.
Temp - Max: 30°C Min: 23°C
Dar 5:15-ah ni a chhuak ang a,
Tlai Dar 4:56-ah a tla leh ang.

Vol - VI Issue No. - 38

- Khuangchawi Thla -

11th October, 2020 (Pathianni)

Tunkar chang vawn : Joh. 14:27

"Thlamuanna ka hnutchhiah a che u,
keima thlamuanna ka pe a che u;
kharwêlin a pêk ang ni lovin ka pêk
che u hi. In thinlung mangang suh se,
hlah paroh hlau suh se."

TUALCHHUNG CHANCHIN

☛ Tv. Samuel Lalhriatpuia, Br.
YMA Adviser Pu Lalhluna fapa,
Pachhunga college, Aizawl-a BA
(Pol. Sc) zir chu a zirlaite zoin ni
7 Oct, 2020 khan a rawn haw.
Hlawhtlinna duhawm tak nei a,
a thiamna te veng chhung tana
hmang turin duhsakna kan hlan
ngal a ni.

Lawmthu Sawina

Tahrik ni 17 Sept, 2020
zana Branch Executive Commit-
tee thurel bawhzuiin veng
chhunga ruihhlo zuar leh a
kaihnawih a inhnawnawih
chungah Action lak a ni a, Mem-
bership Fee leh Chhiatni Fund-
te pekkir niin, chhiat an tawh
hunah pawh anmahni an
inbuaipui a ngaih tur thu pawh
hriattir ngal an ni. Warning pek
leh Action la lak hmanloh te
pawh an awm nual bawk.

Warning pek : Pi Lalrawnthangi
Action lak tawh :

1. Pu Lalpianfela te chhungkua
2. Pu Laithankuma te chhungkua
3. Pi Chhuanthianghlimi te chhungkua.

Khuangpuilam Branch YMA
chuan Volunteers te indinin,
ruihhlo do kawngah chak takin
hma a la mek zel a.

Tin, Duty-na atan Bazar Shed
kan dilna pawh phal taka min
hmanir avangin VC te chhungah
lawmthu kan sawi tak meuh
meuh a, hnatlanga duty-na
hmun tur saa thawkchhuak
zawng zawngte chungah Branch
YMA hruaitute'n lawmthu an
sawi tak meuh a ni.

Hetih lai mek hian veng
chhunga ruihhlo zuar thinte
pawh ti tawh lo turin kan inngen
nawn leh a ni.

Sd/-
Secretary
KPL Br. YMA

Village Council huaihawtin Veng chung thenfai hnatlang neih a ni

Khuangpuilam the 11th October, 2020 : Khuangchawi thla tahrik
ni 7, 2020 (Nilaini) khan Khuangpuilam Village Council hmalakna/
huaihawtnain nilenga veng vhhung tihfai hnatlang neih a ni a. Sec-
tion YMA then anga inthenin zing dar 9:00-ah heng hmun thum -
Chawngbawla Section-te Diakkawn H/S bulah, Vanapa Section-te
Sub-Centre kawtah leh Khuangchera Section-te Pu R.
Lalmachhuana (LC-a) dawr kawtah te inngah khawmin mahni sec-
tion huam chung kawng dung sam leh thawh fai a ni.

Mi thahnem tak thawk chhuakin chungtin atangin mi
pakhat tal thawk chhuakin, hnatlanga chhuak thei lo chhungkua te
chu ₹ 200/- a run an ni.

Veng mipuite thawhhona that a zarah kum tina 'Faina
hapta' neiha veng fai inelnaah lawmman pakhatna leh pahnihnate
kan lo la tawh a, a lawmawm hle a ni. Hnatlanga thawk chhuakte
zawng zawng chungah hruaitute'n lawmthu an sawi a; tin, inelna
hun chung chauh ni loa fai chhonzawm turin min ngen bawk a ni.

FLS siam hnatlang nei Veng mipuite hnenah ngenna siam

Khuangchawi thla tahrik ni 7, 2020 (Nilaini) khan FLS
Sub-Committee, Khuangpuilam Branch YMA-te chuan FLS siam
hnatlang an nei a. Hmun tam takah a chhe siam tur a tam avangin
ni tlak hnu thlengin an thawk chhuak a ni.

Tin, FLS Sub-Committee te chuan veng chung mipuite
hnenah ngenna an siam a ni.

1. Veng chhunga kan Tlangauna FLS cable te hi mi huan hungna
leh mimal ram chung a rem lai laia kaltir a nih avangin i dim
thar theuh ang u. Tin, tihpalh thila lo tichhe palh kan awm pawhin
hruaitute hriattir zung zung nise.
2. FLS hi VC Tlangau hlauh khawn khawm atanga enkawl a nih
avangin kan zavai ta a ni lehzuat bik a, a chhiat thatah mawh kan
phur theuh a ni.
3. FLS Thupuan te hi Broadcast group siam a thawn chhuah thin a ni a,
mipui pawn kan tangkai pui viau niin a lang. Broadcast group atanga
FLS Thupuan dawng tur chuan FLS Sub Committee Chairman Pu David
Lalrosanga Phone number 9436158962 hi i save a ngai a, FLS Thupuan
i dawn ve duh thu private-in i thawn mai dawn nia. Hei hi thupuan hriat
fiah loh leh hriat fuh loh awm palh theiah a tangkai em em a ni.

Kan hriat atan Horn kan dahnte tarlang ila :

Channel 1 : 1. Pu R.Vanlalruata in kawt, Chawngbawla section.

2. Pi Neihsangi in chung, Chawngbawla section.

3. Pu Sangkhuma huan tlang, Chawngbawla section.

4. Pu C. Vanlalruatkima in bul, Chawngbawla section.

5. Pu Steven Ramengmawia in rel, Chawngbawla section.

6. SP office tlang, Vanapa section.

7. Pi Biakmawii in chung, Vanapa section.

Channel 2 : 1. FLS Station chung, Vanapa section.

2. Soil Office bul, Vanapa section.

3. Pu Zonunsanga Hrahsel in chung, Khuangchera section.

4. SP Quarter hlui, Khuangchera section.

5. Cindy Workshop tlang, Khuangchera section.

6. Judicial Quarter, Khuangchera section.

YMA chu tanpui ngaite tanpuitu a ni. – YMA Kumpuan : Zirna uar

Editorial Board :
Represent: Pu Rotlingpuia
Editor: Pu Ricky MS Dawngzela
Jt. Editor : Pu Lalsiamkima
Treasurer: Nl. Florence Zoremsangi
Cir.Manager: Tv. Samuel Lalpekhlua
Contact No: 9862501858 / 9612691291
9612761781 / 7005494983

FLS Station - 9612566886
Chawngbawla Section
Leader : Pu F. Lalbiaksanga
96121 55162
Secretary : Tv. R. Lalnuntluanga
82599 60032
Vanapa Section
Leader : Pu Lalchualova
87300 99599
Secretary : Tv. Lallawmzuala
87875 41803
Khuangchera Section
Leader : Pu Lalramzaua
76408 95924
Secretary : Pu Zachungnunga Hrahse
76299 69989

Editorial.....
Kan thil thlir hi kan hmu fiah kher loa, kan hmuhte aṭang erawh chuan kan thlir lawk thiam thei thung. Kan thil thlir hi chu hriatchian kan tumna a ni a; kan hmuh chian theih reng erawh kan thlir vak vak tawh lo.
Hmathlir thiam mite chu an vannei a, hmu theite pawh malsawmna ropui tak a ni. Kan hma thlir ang erawh chuan thil a thleng dik chat chat thei lo a, hmuha hriatchian hnuah erawh thil thlen dan a hriat tawh thung.
Mihring hian thluak ṭha leh ropui lutuk kan nei a, kan hman chhun erawh a tlem hle thung. Mihring hian a tlangpuiin kan thluak thil tih theihna zaah 10 vel kan hmang niin an sawi a, mifing leh thluak hmang nasa kan tihte pawh hian hei aia tlem a tam deuh hlek an hmang chauh te an ti a ni.
Eng pawh chu nise, kan thluak ṭhatzia en hian engatinge inzir a hmasawn kan tum loh le tih hi zawhna lian tak a ni. Pawl sang tak zir kher a ni lo a, kan nitin nunah hian zir tur hlir a khat a ni.
Thil reng reng hi hla tak aṭangin kan thlir a, eng dinhmun nge a nih chiah pawh kan chiang meuh lo ṭhin. Bible kan chhiarte pawh hian tlang chhipa dinga mahni indah ṭhain Israel fate suaṭna thlir a, Pathian fapa sawisatute leh hektute phei chu mi rapthlakah kan chhuah veka, Sadukai leh Farisai-te chu engahmah kan ngaih loh phah a ni.
I thil thlir dan thlak la, kil tin aṭanga thlirin hmuhfiah tum la, hmu fiah thei turin kal hnaih ṭhin ang che.

Branch YMA Office Bearer		
President Pu HD Daniala 9863212083	Secretary Pu Lalremsiama Varte 9862327112	Treasurer Pu David lalrosanga 9436158962
Vice President Pu S. Lalthangliana 8787326114	Assistant Secretary Nl. Florence Zoremsangi 9612761781	Financial Secretary Pu Rotlingpuia 9862385193

Kohhran Huang	CYMA hmalakna
<p>Mizoram sawrkarin phalna a pek angin Mizoram Presbyterian Kohhran chuan Presbytery inkhawmpui hmun hrang hrangah an nei mek a, vantlang inkhawm erawh neih phal a ni lo a ni.</p> <p>Kolasib Presbytery pawhin Presbytery Inkhawmpui wawi 6-na chu Kolasib Venglaiah thlarau thupui ‘Chak tak leh huai takin awm rawh,’ tih hmangin an nei mek a. Zirtawpni zing khan Upa exam neih a ni a, Khuangpuilam Kohhran aṭang pawhin mi 4 - T.Upa Lallianthanga, T.Upa Vanlalmuana, T.Upa GS Zaithan-tluanga leh T.Upa RL Lalfakmawia te’n exam hi an nei a, exam hi an pass chuan Upa atana nemngheh an ni ang.</p> <p>Zirtawpni nilengin Standing Committee, Sub-Pastoral Committee leh Nomination Committee neih a ni a. Nimin nilengin ‘Rorel inkhawm’ neih leh a ni. Vawiin dar 11 hian ‘Upa nemngheh leh Upa thite sunna’ inkhawm neih a ni anga, inkhawmpui hi a ṭiak ang.</p>	<p>2.10.2020 : Khatla Branch YMA-in In thar hawn leh an din champhaphak wawi 4-na lawmna an nei a. In thar hi Prof. Lalnuntluanga, Gen. Secretary-in a hawng a; Pu F. Lalramchuana, CEC-in a ṭawiawm.</p> <p>6.10.2020 : Central YMA-in YMA Kumpuan ‘Zirna Uar’ bawhzuina kawng khat a tana Branch YMA Chanchinbu Editor te pual Zirna lam hawi Article inziahsiaik a buatsaih result puan leh lawmman sem programme chu Central YMA Hall-ah hman a ni.</p> <p>Lawmman dawngtute chu :</p> <p>1-na : R. Lalhchanchhuaha, Tlangnuam West (₹ 5,000 & Citation)</p> <p>2-na : Remmuana Chawngthu, Lunglei Theiriak (₹ 3,000 & Citation)</p> <p>Lalruatfela Hmar, Bethlehem Vengthlang (₹ 3,000 & Citation)</p> <p>3-na : H. Lalsangzuala, Rahsi Veng, Lunglei (₹ 2,000 & Citation).</p> <p>- SIB, Mizoram Office-a an hotu pathum M.S. Veena Bharti, IPS, Joint Deputy Director hovin Central YMA Office-ah an rawn leng a, Central YMA Office Bearer ten an lo dawngsawng.</p> <p>- Ruah sur nasa tak vanga Zemabawk East Branch YMA huam chung, National Highway leh a bul vel lei tawlh vanga chhiatna thlen dan a hmuna thlirin Tv Zochhuana, CEC; Pu Lalbiakkunga, CEC leh Pu Lalthazuala Renthlei, CEC te an kal.</p> <p>7.10.2020 : Ruah sur nasa tak vanga Zemabawk East Branch YMA huam chung, National Highway leh a bul vel lei tawlh vanga chhiatna thlen dan a hmuna thlirin Pu Fabian Lalfakawma, Treasurer leh Tv Zochhuana, CEC te an kal a, hnatlang thingpui lumna senso atan ₹ 2,000/- an hlan.</p> <p>8.10.2020 : DDK, Aizawl-ah Zirna uar chungchang sawihona hun hman a ni a. Prof. Lalnuntluanga, Gen. Secretary; Pu Roneihthanga, Fin. Secretary leh Pu Vanlalsawma, Kumpuan Committee te an tel.</p>
<p>Health Care Scheme</p> <p>Health care scheme ti tawhte leh a thar a ti duhte tan December ni 31, 2020 thleng inziahlunna hun hawn a ni.</p> <p>BPL tan ₹ 100/-</p> <p>APL tan ₹ 1000/-</p> <p>AB - PMJAY Golden Card nei tan pawh inziahlun theih a ni.</p> <p>Huntiam chhunga tive hman lo tan tih ṭhat theih a ni tawh lovang.</p> <p>Enrollment ti turte ken tur :</p> <ol style="list-style-type: none">1. Nikum lama ti tawhte’n enrollment form ken tur.2. Ration Card.3. Chhungkaw hotu ber voters ID <p>Enrollment hi ni Sub-Center ah leh Asha hnenah tih theih a ni e</p>	<p>Hmelṭha bāl hi a mawi lo va, Hmelchhe bāl phei chu a ṭawp Hmelṭha bāl aiin hmelchhe fai chuan lung a dum leh daih zawk.</p>

Ka thiam leh theih ang tâwk tâwkin Mizo ãawng dik leh ãha ni a ka hriat ang hian hman ve ka tum hrâm hrâm ãhin. Thiam ka intih loh em avang hian ka inzir nasa a; ka inzir nasat poh leh ka hriat tlêmzia hi ka hre tam telh telh si. Mahse, ka hriat loh hre lo nih ka hreh lo thung. Thiam ka intiin, ka intithiam ngai lêm lo bawk a, chawp leh chilha midang ãawngkam lo siam ãhatsak zung zung emaw, lo sermon khum chiam emaw chu ka chîn ve ngai mang loh thil a ni.

Chutichung chuan miina, “Eng nge dik zawk?” ti a min zawh chuan, dik zawk ni a ka hriat chu ka hrilh ve mai ãhin. Keini ãhangtharte zingah hian a bik takin, “a” hmanna tura “e” hman leh, “e” tura “a” hman kan ching uar hle mai a. “Meian bei ãhing mei mei ka hmeh paih hlei nêm, peih dei hmei rawh u,” te kan ti nawk nawk tawh mai a nih hi. Hei hi ka ngeithai (awh, ngaithei) lo ve hle ãhin.

Kan ãhianta leh kan naute’n min rawn zawh chang pawha, “inkawmngaih” a awm lo, “inkawmngaih” tih tur lo ti ve ngar ngar ãhin kha ka nih vei (“vai”, ni lovin) nen, kar hmasa ka huanga, ka thawnthu tawî phuah hlui tawh tak ka han phawrh tharah khan, ‘... an inggaina-in an inkawmngaih êm êm mai a. Mite’n, “Hetî ang tak hian unau a inkawmngaih theih ngai a ni maw? an tih hial khawpin an inzui nasa,’ ka lo ti tehreng a nih chu, Chawih-thang-val-mâwla hian!

Kei phei chuan ka chhiar nawn, ka chhiar nawn tawh hnu pawhin he ka thil tihdik loh hi ka hmu fuh thei reng reng lo. A lo chhuah thar leh pawhin, ka lo chhiar dik leh thlap thlap a. Kan u leh ka columnist-pui u Ruata (HC Vanlalruata) hian a rawn sawi chhuak a, ka han hmu chiah mai chu, ka zak lutuk a, vana lâwn dawn leh a sang si, leia luh dawn leh a ping bawk si, awm ngaihna reng reng ka hre lo. Ka zak lutuk hi khûk ral chem chem mai ka duh hial a ni.

Mi thusawi sawi chhawn (direct speech emaw, reported speech emaw)-ah ringawt chuan lo hmang ila, ka la inpha hul thei tal tur hi a ni a. “Inkawmngaih” tih ka chhut lai khan eng thlarau sualin nge min mawlh ka hre lo. Ka ennawn leh pawha ka chhiar dik ziah mai kha, ringtu ãhenkhat chîn dan anga Setana hnathawha puh fel vek mai ka châk ngawt asin. “Nichin” tih tur “nachin” tih te ang bawkin, ka hriat ãhan a, ka hriat hnem tawh êm avangin ka ngaihtuahna chhung ril, ka “subconscious mind”-ah a lo intuh nghet ve viau tawh ang a, ngaihtuah mang hlei lo khan ka lo chhu mai pawh a ni mahna le. Min lo ngaihniam lovin, min lo ngaithiam zawk mai teh u. Kha chauh kha chu lo ngaizamin, lo ngaidam hram teh un! Ka kal ang a, ka tisual leh tawh ngai lo vang.

Kan thu dang alai chuan, ãhangtharte’na kan hri vei leh pakhat chu, kan Mizo ãawng thumal neih sa hi ãhen darhin a awmzia tur âwm ni a ka hriat angin kan hrilhfiah a; dik zân lo va hria-in siam ãhat kan tum fo. “Nausen thi hi hlam zuitu a ni a, chuvangin ‘hlamzuih’ ti lovin, ‘hlamzui’ tih tur,” ti pawl te pawh kan awm nawk ta mai. Hman deuh aãang khan “mitthi” pawh, an mit chauh a thih lohva, an taksa pum a thih avangin “mithi” (“t” pakhat) tih tur rawn ti hlui kha an awm a. A tlaran zawnga ãhahnemngaihna ãangkai lo tak a ni. Taksa pum aiawh tura taksa bung pakhat hman hi ãawng kalhmang pakhat ve reng a ni a. Hei hi thu leh hla ãawngkamah chuan “synecdoche” an ti. “Mitthi lumen” kan tih pawh hian, an lu chauh kan men lo va, an taksa pum kan men a ni. “An kut a rual bawk a, an zo hma hle mai,” kan tih pawh hian hnathawktu mihring an rual thu kan sawi a ni. “Kan pi leh pute lu phumna hmun,” kan tih te hian, an lu chauh ni lovin an taksa pum kan phumna hmun kha a ni kan sawi ni. Chuvangin, a hrilhfiahna ang ziazanga Mizo

ãawng kan neih sa mawi leh ãha tak hi “siam ãhat” i tum teivet lo teh ang u. “Mithi” ti lovin, “mitthi” i ti zel ang u.

I & PR Department lamina Mizoram Calendar an siamah chuan, nikuma “Vawkhniakhawng Thla” an tih kha, kuminah chuan “Vawkhniakhawng Thla” an rawn ti leh ta mauh mai. Naupang zirilaibu-ah pawh chuti tho, kan hotute hi an Chiang lo tlang a ni. Vawkhniakhawng Thla tih hi pipu chena an lo sawi dan kumkhua a nih hmêl. Tuna July thla kan tih tâk nena inkhuangrual ta deuh ber hi a ni a. Hemi thla hian khua a tuihul hman meuh lo va, ruah phingphisiau a sûr deuh reng ãhin. Khua a changkân deuh châng, ni a ên châng awm ve bawk mah se, hun tam zawkah chuan khua a dul a, a duai a, a dur a ni. Khawlai a diak thei em em a, khaw laia an vawk chhuahte hniak pawh a chiarin, a inzawn zat thin a, vawk hniak inzawn thla a ni e, tiin Vawkhniakhawng Thla an ti ta a ni. Hei hi James Dokhuma’na Tawng Un Hrilhfiahnaa a ziah dan pawh a ni. Pu Buanga Dictionary kan tih maiah pawh hian “Vawkhniakhawng thla, n. the moon or lunar month corresponding nearly to July” a inti kalh. Pu Buanga chuan ãhenkhatin “Vawkhniakhawng thla” ti a an hman bawk thu a sawi chauh. “Vawkhniakhawng thla” reng reng a lang ve lo.

Mizo essay puitling hmasa bera chhal Thlirtu (The Onlooker) tih Kâphleia’n kum 1939-a a ziahah khan, “Ka thinlung chu Vawkhniakhawng thla ang chunin a pik a,” tih hi kan hmu tlat mai a. Ama kutziak ngei (original manuscript) ka hmu châk ngawt mai, “Vawkhniakhawng” a tih ka ring ru deuh tlat. Mizo ãawng thumal inher danglam thin dan “modification” en chuan Vawkhniakhawng Thla hi a dik hmel a ni. Khuaiin zu a neih hi “khuaizu” ti lovin, “khawizu” kan ti a; hmeichhe puan fên ãhin hi “puanfên” ni lovin, “pawnfên”. Kan inthumna hi “thuamhnaw” ni lovin, “thawmhnaw”. Thil suahna fian atana an hman ber ãhin pakhat pawh “fianthlir” ni lovin, “fenthlir”. Ti khan ka sawi tum chu a Chiang tawkin ka hria. Naupang hnena, “Pakaw hmun han sawi teh,” kan tihin, “Eng nge pakaw?” an tih hê hâw hran loh hi.

Kan ãawng neihchhun a ni a Mizo ãawng hi a neitute hian kan hman fimkhur a va ngai tehlu em (kei ber pawh hi tiamin)! Chuti lo zawng chhuan lo la awm leh zel turte hnena insawi fiahna tur kan la ngah lutuk dah ang e.

Chhûn ênga social media vela kan ãawng kan pawngsual dan phei hi chu a rapthlak lam a kai ta. “Nopang mei mei choh poh an ni lo, nu, note nei toh pon an la chig khop my, horop se ltka type hi. Mahni trong thymna hlah ta dei hi kom ngaih an har ka ti. Ky hy ka thrig toh xok a mon le?” Heti hian Mizo ãawngin ka’n let lêt ang e: “Naupang mai mai chauh pawh an ni lo, nu, naute nei tawh paw’n an la ching khawp mai, hawrawp chhe lutuka type hi. Mahni ãawng thiamna hloh ta daih hi kawm ngeih an har ka ti. Kei hi ka ãhing tawh zawk em maw ni le?” Hawrawp kaihtawi an hman avanga an hun hum (save) hi eng thil ãangkai tak tih nan nge an hman ang aw, tih hi ka rilrua zawhna lo awm fo a ni.

Mahni ãawng sipel thiam leh grammar hria hi an duhawm ka ti. Nia, nang pawh kha, i chhe lo ka ti asin aw, grammar uih leh hawrawp hîng tâwka mi i rawn biak hma kha chuan.

Tunkâr chhunga thil thleng langsâr zual

Containment zone hlîp

Covid-19 a darh vanga containment zone atana Bawngkawn puan tawh chu hlih a nih thu, Aizawl District Magistrate chuan thupek chhuahin a tarlang. Bawngkawn hi September 22, 2020 khan containment zone-ah puan a ni.

Mizoram Christian College hawng.

Mizoram Synod-in secular college a din thar, Mizoram Christian College (MCC) 6/10/2020 khan hawn a ni. He college-ah hian zirlai 228 an awm a, zirna an tan nghal. Department tinah zirtirtu (assistant professor) pahniñ theuh an awm a, zirtirtute hian October 1 khan hna an zawm tan a, online hmangin class tan nghal an tum. Zirlai 228 an awm a, mipa 134 leh hmeichhia 94 an ni.

Phullen khuah lei a tlahniam Chhungkaw 3 an chhuak, kawng a ping

October 3, Inrinni zan khan Phullen khaw chhunga lei tlahniam thin chu nasa takin a tlahniam belh a; kawngpui a tlahniam tel avangin lirthei kal tlang theih a ni lo a, in pathuma cheng chhungkuate an riah chhuah bakah, an bunguate an thiar chhuak tawh.

Lei tlahniamah hian Phullen khaw chhunga kawngpui pawimawh ber chu thawm ?hat mai theih loh kawpa a chhiat avangin lirthei kal tlang theih a ni lo a, a chhaka kawngpui tē-ah chuan lirthei tē chi an kal thei thung. Kawngpui chhia hi Phullen leh a piah lam (hmar lam)-a khaw pangate chāk lākna ber a ni.

Article inziahsia lawmman sem

Central YMA Kuampuan Com-mittee-in veng chhung YMA chanchinbu editor-te puala 'Zirna uar' tih thupui hmanga article inziahsia a buatsaih result chu nimin khan CYMA Hall-ah an puang a, a ti hate hnenah lawmman an sem.

Article inziahsia ti thate chu - pakhatna R Lalchhanchhuaha, Tlangnuam West Branch, pahniñna Remmuana Chawngthu, Theiriat Branch leh pathumna H Lalsangzuala, Lunglei Rahsi Veng Branch an ni.

Fimkhur turin Mipuite chah

Aizawl District Election Officer chuan thuchhuah siamin, Facebook leh Whatsapp-ah tute emaw dan loa Voter ID siam thei anga insawi an awm tih hriat a nih thu a tarlang a, "Hei hi Election department-in a hriatpui lo. Election Commission of India in EROnet hman phalna a pek ERO-te chauhin EPIC hi print tur a ni. Hemi chungchangah hian mipuite fimkhur turin min ngen a ni.

India Covid-19 recovery rate 84.7%

India ramah Covid-19 kai hmuh belh zel la ni mah se hri kai zinga dam tawh an pung ve zel a, nimin thleng khan hri kai enkawl dam, recovery rate chu 84.7% a tling tawh a ni.

Union health ministry chuan hri kai hmuh tawh zinga 13.75% chauhin hri hi an la kai mek a, a tam zawk chu enkawl dam an ni tawh a ni, a ti. Enkawl dam rate pawh a pung chho zel tih a sawi.

Thawhtanni khan state leh UT 25-ah hri kai hmuh thar aiin enkawl dam an tam zawk. Hemi nia hri kai dam zinga 74% chu state leh UT 10 - Maharashtra, Andhra Pradesh, Karnataka, Tamil Nadu, Kerala, Uttar Pradesh, Odisha, Delhi, Chhattisgarh leh West Bengal-a mite a ni. State zingah hri kai tamna ber, Maharashtra-ah chuan Thawhtanni khan hri kai enkawl dam mi 13,000 dawn an awm a ni.

Hri kai hmuh thar mi 61,267 zinga 75% chu state leh UT 10-a mi an ni.

He hripui thihpui mi 884 zingah 80% dawn chu Maharashtra, Karnataka, Uttar Pradesh, Tamil Nadu, West Bengal, Andhra Pradesh, Punjab, Chhattisgarh, Delhi leh Madhya Pradesh ami an ni baw.

Nobel Prize for Medicine dawng tur puang

Nobel Prize for Medicine, 2020 dawng tur chu Thawhtanni khan puan a ni a, American scientist pahniñ Harvey J Alter leh Charles M Rice bakah British scientist Michael Houghton te chu chawimawina sang dawng turin thlan an ni.

Scientist pathumte hi Hepatitis C virus an hmuhchhuah vangin Nobel Prize for Medicine or Physiology 2020 dawng tura thlan an nih thu Thawhtanni khan Nobel Committee hotu Thomas Perlmann chuan a sawi.

Khawvelin hepatitis natna a buaipui mek a, heng mithiam pathum te hian Hepatitis C virus chu an zirchiang a, hei vang hian thisen test-te pawh a theih tawh dawn a, damdawi thar tur pawh hmuhchhuah vat a rinawm a ni. An thil hmuhchhuah vang hian thinlian vanga thi thei dinhmuna ding mi tam tak nunna an chhan thei dawn a ni.

World Health Organisation (WHO) tarlan dan chuan khawvelah hian hepatitis natna nei mi maktaduai 70 chuang an awm a, hepatitis thihpui hi kumtinin mi 4,00,000 vel an awm thin baw.

Nobel Prize dawngtu hnenah hian gold medal leh prize money US dollar 11,18,000 (Swedish kronor mtd 10) pek an ni dawn a ni. Mahse mi pakhat aia tamin an dawn chuan an sum dawn hi insem tir a ni thin.

RT-PCR test-a negative tawhte Inkhung hrantir a ngai tawh lo

Health & Family Welfare department chuan nimin khan home quarantine atana inkaihhraina thar an tichhuak a; RT-PCR hmanga swab sample test negative tawhte chu in lama inkhung hran a ngai tawh lo tih an tarlang.

Home quarantine inkaihhraina

- Home quarantine phalna nei, symptom nei lote chu an thlen vele (on arrival) Lengpui Airport leh screening point dangah Rapid Antigen Test (RAT) hmangin swab sample test tihsak an ni ang a, negative-te chu home quarantine phalsak an ni ang.

- Quarantine-a an awm chhung hian Health department-in home quarantine inkaihhraina a siamte ?ha taka zawm tur a ni. Mahnia pindana inkhung, mask vuah, kut sil ngun, hand sanitizer hman, social distancing leh invenna dangte quarantine chhung hian uluk takin an vawng tur a ni.

- mCOVID-19 leh Aarogya Setu app-ah in register vek tur a ni.

- Home quarantine chhung hian quarantine ?an ní a?anga ni 5-10 inkarah RT-PCR hmangin swab test tur a ni a, test result chhuah hma chuan uluk takin inkhung chhonzawm ngei tur.

- Test result a chhuah a, an negative chuan inkhung chhonzawm a ngai tawh lo a, an hna pangngai an thawk chhonzawm thei tawh ang. Amaherawhchu, mahni hriselna inchik chhonzawm reng tur a ni a, invenna uluk taka kalpui zel tur a ni.

- Test positive-te chu sorkar inkaihhraina angin Covid-19 kaite enkawl naah an awm ang.

- Home quarantine lain bialtu CMO leh local/village task force-te'n an vil zui ang a, quarantine zo tawhte chu bialtu CMO-te'n quarantine completion certificate an pe ang.

- Mi tu pawh, home quarantine laia Covid-19 sign & symptom nei chu ni 5-10 nghak kher loin, task force/CMO/DCHC/Helpline/ZMC hnena a rang thei ang bera hrilh a, swab sample lak tur a ni.

- Hriselna lama harsatna neite tan heng Covid -19 Helpline-ah thu thlen theih reng a ni. Phone no. - 102 / 0389-2323336 / 0389 2322336 / 0389 2318336.